

Махьэл хьэсуьломореи ЕшугІ

Бу э у рузгьо ведирамо фирман аз Подшогь Агустос эри нуьвуьсдеи хелгъ-жагІнет гьеммей хорире. 2 У бу суфдеи нуьвусдэи эн рехьбери Курениос Суриа. 3 Ве рафдуьт гьеммеки эри нувусде гьерки э шегьер хьуьшде. 4 Ве рафд гьемчун Исуьф эз Галилей эз шегьер Нэзэрэт э Иудей э шегьер Довид, гуфдире оморенигьо Бет-Лихьим, чуйнки у бу эз шивдой Довид. 5 Рафдуьт э Мейромово эри магьер бире, комики бердор бу. 6 Бу гьечу ки те угьо бируьтгьо э унжо, бегьем бисто рузгьо комигьо — ки у биесд зенде. 7 Ве зенд у кук хьуьшдере-суьфдедире, ве депучунд э гьобои уре, ве доно уре э север-говду. Эри эн угьо жиге небу э хуне. 8 Ве бу э и вилеет нахирчигьо зигьисденбируьтгьо э чул — э зир асму, ве гьэреул сохденбируьгьо шевгьо нохир хуьшдере. 9 Ве молох Худои поист э пушошу ве гуфди гІуьзет Худои ишуьгь доренбу эз угьо э нахирчигьо, ве угьо терсируьт э келе сегьмово. 10 Ве гуфти эишу молох: «Метерсит, чуйки ини, э хуьрметевгьо мэгІлуьм сохденуьм э ишму келе шорире эри гьемией халгъ; 11 хьэсуьл омори имбуруз э шегьэр Довид Хилос-Сох, комики гьисди нумйу Мошиехь Адоной. 12 Ве ини эришму синемиши. Ишму миефит соворе гІаиллере, ве дегешдитгьоре э гьобои доноре э север нори э хори эн говду». 13 Ве нехебереки э молохьорево оморуьт омборе гьушунгьой довгІои эн асму, тагІриф доре Худоре, ве гуфдире: 14 «ТагІрифи э гьундиригьо Худоре, э хори шолуми э гІэрей хелгъ, э комики фуьшенденуьт дузире». 15 Ве бисдо, кей-ки рафтутге эз кин эн угьо-молохгьо нахирчигьо — сер гуьрдуьт эри гуфтире дуь-эеки: «Расим э Бет-Лихьим ве дирим чу бириге, чу магьлуьм сохгдэ Худо э иму». 16 Ве угьо тахьди сохдут ери оморе, ве офдуьт Мейроме не Исуьфе ве соворе гІэиле комики дегешдембу э север-говду. 17 Винире бэгьдо чуй э ишу гуфдире оморебуге э товун эн и гІэил. 18 Ве гьемме шиновусдегоргьо махьтел мундут э гуфдирегьой эн нахирчигьо э ишу. 19 Мейром ки гьэммей эни гофгьоре пехьни сохдебуге-дечире э дуьл хуьшде. 20 Ве вогоштут борухо сохде, ве тагІриф доре Худоре

э товун эн гъемме чуй диретге, ве чуй шиновусдетге, чутар гуфдире
оморобуге э ишу.